

13 JUL 2000

MALAYSIA TUAN RUMAH KONGRES PENYELIDIKAN PERHUTANAN

KUALA LUMPUR, 13 Julai (Bernama)-- Malaysia telah dipilih sebagai tuan rumah Kongres Sedunia Kesatuan Organisasi Penyelidikan Perhutanan Antarabangsa ke-21 dari 7 hingga 12 Ogos ini.

Seramai 3,000 peserta dijangka hadir pada kongres yang akan diadakan di Pusat Dagangan Dunia Putra (PWTC) di sini.

Kongres saintifik yang terbesar pernah diadakan di Malaysia itu akan dirasmikan oleh Perdana Menteri Datuk Seri Dr Mahathir Mohamad.

Malaysia merupakan negara membangun pertama dipilih sebagai tuan rumah kongres itu.

Institut Penyelidikan Perhutanan Malaysia (FRIM) akan mengendalikan kongres ini dengan bantuan dan sokongan agensi-agensi perhutanan berkaitan.

Sempena kongres itu majlis pelancaran pelekat IUFRO akan diadakan pada 18 Julai ini di Hentian Duta, Jalan Duta bermula jam 10 pagi.

Ketua Pengarah FRIM, Dato Dr. Haji Abdul Razak Mohd Ali akan memasang pelekat kereta dan bas pada majlis tersebut.

--BERNAMA

MUN zb